

ত্রিপুরা সরকার
তথ্য ও সংস্কৃতি অধিকার

স-৫০০৩

শান্তিরবাজার, ২৯ ফেব্রুয়ারি, ২০২৪

দক্ষিণ ত্রিপুরা জেলা আধিকারিকদের সাথে মতবিনিময় সভায় রাজ্যপাল
সরকারি আধিকারিক ও কর্মচারিদের জনকল্যাণে কাজ করতে হবে



সরকারি আধিকারিক ও কর্মচারিদের জনকল্যাণে কাজ করতে হবে। উন্নয়ন প্রকল্পের কাজ যাতে নির্দিষ্ট সময়ে সম্পন্ন হয় সোদিকেও তাদের লক্ষ্য রাখতে হবে। রাজ্যপাল ইন্দ্রসেনা রেডিডি নাল্লু আজ বিলোনীয়া সার্কিট হাউসে দক্ষিণ ত্রিপুরা জেলার জেলা ও মহকুমা স্তরের অফিসারদের সাথে মতবিনিময় সভায় একথা বলেন। মতবিনিময় সভায় রাজ্যপাল বলেন, চাকুরি জীবনে এমন উল্লেখযোগ্য কাজ করুন যাতে গ্রামের মানুষ আপনাদেরকে মনে রাখে। আপনি চলে যাওয়ার পর গ্রামের মানুষ যাতে বলেন আপনার কাজের জন্যই তাঁদের গ্রামে পানীয় জল এসেছে, বিদ্যুৎ পৌছেছে, রাস্তা হয়েছে। মতবিনিময় সভায় উপস্থিত ছিলেন দক্ষিণ ত্রিপুরা জেলার জেলাশাসক ও সমাহৃতা সাজু ভাহিদ এ, রাজ্যপালের সচিব ইউ কে চাকমা, বিলোনীয়া, শান্তিরবাজার এবং সারুম মহকুমার মহকুমা শাসক এবং দক্ষিণ ত্রিপুরা জেলার ৮টি রাজ্যপালের বিডিওগণ।

রাজ্যপাল ইন্দ্রসেনা রেডিডি নাল্লু মতবিনিময় সভায় বক্তব্য রাখতে গিয়ে আরও বলেন, উন্নয়নমূলক প্রকল্পের কাজ নির্দিষ্ট সময়ের মধ্যে সম্পন্ন করে দুটি মানুষের কাছে উন্নয়নের সুফল পৌছে দিতে হবে। কৃষি, প্রাণীপালন, মৎস্য চাষ, ফলচাষ, কুটির শিল্প ইত্যাদি ক্ষেত্রে উন্নত প্রশিক্ষণ এবং আধুনিক যন্ত্রপাতি প্রধানের মাধ্যমে মানুষকে স্বরোজগারি এবং দক্ষ করে তোলার উপর গুরুত্ব আরোপ করেন তিনি। এছাড়াও তিনি বাল্যবিবাহ রোধ এবং নেশামুক্ত ত্রিপুরা গঠনে আরও সক্রিয় ভূমিকা নিতে আধিকারিকদের প্রতি আহ্বান জানান। বাল্যবিবাহ, খাদ্য উৎপাদন এবং নেশামুক্তির ক্ষেত্রে উল্লেখযোগ্য কাজের জন্য রাজ্যপাল অফিসারদের ধন্যবাদ জানান।

রাজ্যপাল ইন্দ্রসেনা রেডিডি নাল্লু আজ দক্ষিণ ত্রিপুরা জেলা সফরে এসে ভারতচন্দনগর রাজ্যের ছবিটিলা মডেল ভিলেজ পরিদর্শন করেন। সেখানে তিনি গ্রামবাসীদের সঙ্গে মতবিনিময় করেন এবং এলাকায় কেন্দ্র ও রাজ্য সরকারের বিভিন্ন প্রকল্প কার্যকলারের বিষয়ে খোঝ খবর নেন। এরপর রাজ্যপাল মমতা দাস মুন্ডা ও জগা মুন্ডার শুকরের ফার্ম পরিদর্শন করেন। দুজনেই সরকারি সহায়তা নিয়ে এই শুকরের ফার্ম খুলেছেন। রাজ্যপালের সম্মানে ছবিটিলা ভিলেজের অদিবাসীরা নৃত্য পরিবেশন করেন। রাজ্যপাল প্রধানমন্ত্রী আবাস যোজনায় নির্মিত কয়েকজনের ঘরও পরিদর্শন করেন। এরপর রাজ্যপাল মুন্ডা বষ্টি বিওপি পরিদর্শন করেন। বিএসএফ'র ৪৩ নম্বর ব্যাটেলিয়নের জওয়ানগণ এখানে সীমান্ত সুরক্ষার কাজ করছেন। রাজ্যপাল বিওপিতে পৌছানে বিএসএফ'র কমান্ডেন্ট তাঁকে স্বাগত জানান। রাজ্যপাল ওয়াচ টাওয়ারে উঠে ঐ এলাকা পরিদর্শন করেন। পরে সাংবাদমাধ্যমের সঙ্গে কথা বলতে গিয়ে রাজ্যপাল বলেন, সীমান্ত রক্ষীবাহিনীর জওয়ানগণ ভাল কাজ করছেন। ছবিটিলা মডেল ভিলেজটি খুবই ভাল লেগেছে।
